

# Dienelkander



## Nuusbrief van die Gereformeerde Kerk Potchefstroom-Oos

1 Julie 2018

**OGGENDDIENS:** Prof Chris van der Walt

**Tema:** Die Here gee sodat die kerk kan uitdeel.

- Hoe dikwels word gevra: "Gee vir die kerk?" Hoe dikwels word gesê: "Neem, dit kom van die kerk?"
- Die kerk dryf nie handel met geld nie, maar dit het nie niks om te gee nie!
- Jesus het self die opdrag wat Petrus aan die man gegee het, onderteken.
- Dit wat God doen is duidelik herkenbaar as Sy werk!

### Ontmoetingsdiens

Intreelied: Lied 159: 1; Votum; Seën; Loflied: Ps 150-2: 1, 2 ; Geloofsbelydenis volgens Nicea; Sing Sb 12-3: 1, 2

### Verootmoedigingsdiens

Wet: Deutr. 5; Antwoord op die wet is ons hele lewe maar ons herinner onself voor die Here daaraan met Ps 85-1:3 (wysie Ps 2); Gebed; Sing Ps 42-1: 1, 7

### Woorddiens

Skriflesing: Handeling 2: 43 – 3:16  
Fokusverse: Handeling 3: 5, 6  
Woordverkondiging

### Antwoorddiens

Gebed; Liefdegawes; Slotsang: Sb 14-1: 1, 3; Seën; Amenlied Sb 13-3.

**AANDDIENS:** Prof Chris van der Walt

**Tema:** As God jou vriend is, sal jou lewe dit weerspieël.

- Hoe gaan ons verder?
- God wys sy goedgesind in beide dit wat Hy vir ons gee, en in dit wat Hy nie vir ons gee nie.
- God neem kennis van alles wat mense doen, en reageer altyd daarop.
- God loop in Christus en sy Gees die pad saam met ons.
- Ons reaksie? Juwele af!

### Ontmoetingsdiens

Intreelied: Lied 200: 1, 3; Votum; Seën; Loflied: Ps 105-2: 1, 2; Gebed

### Woorddiens

Sing: Ps 25-1: 2  
Skriflesing: Eksodus 32: 1-4; 32:30 - 33:17;  
Fokusvers: Eksodus 33: 11a  
Woordverkondiging

### Antwoorddiens

Gebed; Liefdegawes; Slotsang: Lied 588: 1, 2, 3; Seën; Amenlied Sb 13-3.

### MEELEWING

- Prof Bert Floor (Groep 28 - 083 388 1250) is terug in Huis Eikelaan se siekeboeg. Hy is steeds baie swak.
- Jacoba van Rooy (Groep 39 - 083 507 8567) was die afgelope week weer by die

spesialis in Johannesburg. Sy en Herrie het eintlik die beste nuus in drie maande gekry. Die bloedtoetse wys dat haar lewer gestabiliseer het. Die funksionering is beter as twee maande gelede, maar steeds nie te goed nie. Die spesialis oordeel dat sy chroniese lewersversaking het as gevolg van die outo-immuunsiekte, maar dat as die situasie stabiel bly, die eventuele oorplanting eers heelwat later kan gebeur. Sy kan dus ook probeer om meer normaal haar gang te gaan. Hulle probeer om nou ook die kortisone te verminder. Die afgelope maand het sy 'n soort van chemoterapie gehad. Dit het die lewer se funksie verbeter, maar ongelukkig was die nuwe-effekte (onder andere 'n uitslag oor haar hele liggaam) te erg. Hulle het dit gestaak, maar hoop dat die huidige behandeling die stabilisasie sal volhou. Indien nie, sal hulle wel ander middels kan probeer wanneer sy oor 'n maand weer na die spesialis gaan. Sy word nog steeds baie moeg. Soms slaap sy goed en soms nie.

Ons is dus bly oor die verbetering in die lewer se funksionering, maar weet ook dat nooit weer normaal sal wees nie.

- Petro Kruger (Groep 8 - 082 785 1735) is deur 'n baie moeilike tyd met siekte en operasies. Sy ervaar baie probleme met haar rug en algemene gesondheid.
- Cecile de Waal (Groep 39- 082 897 7542) se voetoperasie het goed afgeleed en sy sterk tuis aan.
- Elma Leijenaar (Groep 11 - 082 398 2874) se oudste suster is oorlede.
- Ed Coetsee (Groep 39 - 082 415 4961) is tuis siek in die bed vir twee weke.
- Janet van der Walt (Groep 7 - 084 743 5182) het longontsteking en word tuis behandel.
- Hannelie Pieters (Groep 19 – 082 740

3530) se broer is die afgelope week oorlede.

- Wickus van Niekerk (Groep 20 - 082 824 1839) se ma is Donderdag oorlede.
- Jan van Jaarsveld (Groep 19 - 081 212 3729) se pa is Vrydagoggend oorlede.

Laasgenoemdes het albei 'n lang en moeisame siekbed beleef en ons bid die families die troos van die Here toe.

**Ons bid dat die Here beterskap/bemoediging en troos sal gee.**

### **ONS VRA VOORBIDDING VIR DIE VOLGENDE LIDMATE WAT SUKSEL MET SIEKTE OF SWAK GESONDHEID**

Janet vd Walt, Isak vd Walt, Tjaart Snyman, Bert Floor, Jacoba v Rooy, Grobbie Grobler, Andy en Blossom Pretorius en Koos en Marlene Jooste.

### **ONDERSTEUNING VIR SIEKES**

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Anna Smith (082 765 9813)

### **ONS GROET**

Botha, Anrie, Annalie en Wilco vd Schyff wat met attestaat vertrek na GK Belville-Oos.

### **PROGRAM VAN DIE WEEK**

#### **Vandag**

09:30 Oggenddiens

Geen Kleuterbediening

Geen Katkisasie

Tee en Koffie in die Skuur

06:00 Aanddiens

## **DIE VOLGENDE LIDMATE WORD AAN DIE GEMEENTE VOORGEHOU TER APPROBASIE**

Ouderlinge: Brs Pieter Pretorius, Pieter Bredenkamp en Chris de Bruyn.

Diakens: Brs Meyer Joubert en Gerrit Jansen van Rensburg, asook Sr Wilna Pretorius.

### **AFKONDIGINGS**

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Ekumenisiteit: Buitelands.
- Gawes volgende Sondag vir die Pro Ecclesiabeursfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 38 en 39.

### **DS PIET LANGVERLOF REËLINGS**

Ons gemeente het die goeie praktyk dat 'n predikant na 5 jaar dienstrydperk 3 maande verlof moet neem. Ds Piet het reeds verlede jaar Junie gekwalifiseer vir langverlof na 'n (tweede) vyf jaar dienstrydperk. Hy beplan om die helfte van die langverlof saam met gewone verlof te kombineer om DV van **2 Julie tot 3 September 2018 met verlof te wees.**

As gemeente gun ons ds Piet die ruskans, en weet ook dat hy die tyd sal gebruik om ook geestelik verryk terug te keer. Die volgende bedieningsreëlings is deur die kerkraad vir hierdie tydperk getref:

1. Eredienste: al die eredienste soos geskeduleer op die Jaarkalender gaan voort en sal deur ds Pieter van der Walt, prof Herrie van Rooy, prof Naas Ferreira en ander besoekende predikante waargeneem word.
2. Pastorale versorging. Ds Pieter van der Walt neem verantwoordelikheid vir die pastorale sorg. Vir tye wat hy moontlik

nie beskikbaar is nie, sal die skriba/kerkkantoor pastorale sorg na ander beskikbare predikante verwys. Lidmate moet asb enige pastorale behoefte via hulle groepouderling of die Kerkkantoor onder die kerkraad se aandag bring.

### **3. Bybelstudies:**

- Die twee-weeklikse Woensdagoggend Bybelstudiegroep sal deur prof Herrie van Rooy waargeneem word.
- Die twee-weeklikse Woensdagaand Bybelstudie groep sal op hulle eie voortgaan soos onderling gereël is.
- Die Klipdrieff Bybelstudiegroep sal onder leiding van ouderling Koot van der Walt voortgaan.

4. Weekskatkisasie. Die weeklikse Gr 11 klasse gaan voort soos ds Piet met die katkisanter en hulle ouers gereël het. Engela vd Walt (Kinderfeesbediening) en Prof Naas Ferreira neem van die klasse waar.

5. Die weeklikse Dinsdagoggend 6:00 Mannegroep aan huis van ds Piet sal vir hierdie tydperk nie bymekaar kom nie (die manne kry in elk geval swaar om vroeg in die winterkoue bymekaar te kom).

### **BORG-'N-BYBEL-PROJEK Harvester Ministries**

Ons herinner u om asb so gou as moontlik u "R5-Bybelboekies" vol te maak en in te bring sodat ons hierdie projek teen die einde van die maand kan afhandel.

Daar is vanoggend nog ekstra boekies in die voorportaal van die kerk beskikbaar vir lidmate wat nog donasies wil gee om Bybels te borg. Die Bybels word gereed gemaak om vir gelowiges in Mosambiek af te lewer sodat hulle die Bybel in hulle eie taal kan hê. Baie

dankie vir u ondersteuning vir hierdie belangrike saak.

## **KINDERFEES: 1-5 OKTOBER 2018**

### **Hulp met kosvoorbereiding**

Ons bied die jaar weer die Kinderfees aan om aan ons gemeenskap se kinders die geleentheid te gee om die Here te leer ken. Ons benodig hulp om ons te help met voorbereiding van die kos vir die kinders vir die week. Skryf asb jou naam op die lys in die voorportaal van die Skuur indien jy bereid is om hiermee te help.



### **GAWEVEILING – 3 AUGUSTUS**

Het jy al gedink oor jou gawes? Het jy al jou gawe aangebied vir die veiling? Kom broers, susters en kinders - help ons om weereens van hierdie veiling 'n sukses te maak! Moet nie wag nie - doen dit vandag nog!

As 'n lidmaat byvoorbeeld die gawe ontvang om houtwerk te doen, dan skenk hy/sy 'n handgemaakte hout item wat verkoop kan word. 'n Ander persoon het dalk die gawe ontvang om beskuit te bak en so 'n persoon skenk 5 kg of meer beskuit om te verkoop. As jy so geseënd is om 'n vakansiehuisie by die see/elders te hê, kan jy dalk 'n week of twee skenk om te verkoop.

Jy kan ook professionele dienste aanbied wat ons kan verkoop soos wiskundelesse, opstel van testamente, doen van boeke, ens. Ons hou dan 'n veilingaand met iets te ete en te drink en terwyl ons gesellig saam verkeer, veil 'n bekkige afslaer die gawes op. Alles word verkoop sonder reserwe pryse. Kom, broeder en suster, ons gaan kyk 'n bietjie wat se gawes ons het om te verkoop en dan skenk ons wat ons het.

Skakel gerus vir Christo van der Walt by

083 644 6194, Rieëtte Venter by 082 898 4197 of Adèle by die kerkkantoor as jy iets wil skenk vir die veiling of meer inligting wil hê. Baie dankie dat ons weer soos in die verlede op u ondersteuning kan staat maak. Die Gaweveiling span.

### **KERKKANTOOR 10 JAAR OUD**

Adele Delport is op 3 Julie reeds 10 jaar ons Administratiewe Beampte en onmisbaar deel van ons gemeente in die kerkkantoor. Adele, baie dankie vir 10 jaar se uitstekende en getroue werk. Jou vriendelike en hulpvaardige geaardheid is vir ons almal 'n vreugde en ons dank die Here vir die gawes wat Hy aan jou geskenk het en wat ons in die gemeente mag benut.

### **VERJAARSDAE**

Baie geluk aan almal wat DV hierdie week verjaar!

#### **Sondag, 1 Julie**

Sr Joke Botha (74) 082 840 6974

#### **Maandag, 2 Julie**

Jsr Annabe Bester  
Jbr Rianco Rheeder  
Jbr Fourie Stavast  
Sr Christina v Zyl 079 375 5815  
Br Frikkie v Zyl 082 610 9323

#### **Dinsdag, 3 Julie**

Sr Marie du Plessis (74) 084 504 6640  
Sr Kiettie Willemse (72) 082 413 1782

#### **Woensdag, 4 Julie**

Sr Alda Barnard 082 343 6882  
Sr Elmien Halgryn 083 566 7683  
Sr Carlien Kahl 072 879 8126  
Br Antonie Labuschagne 082 320 8907

#### **Donderdag, 5 Julie**

Br Pierre Labuschagne 071 892 5302  
Sr Rina v Deventer 083 258 4802

## Vrydag, 6 Julie

Sr Corrie Rheeder 084 050 0162

## Saterdag, 7 Julie

Br Tom Larney (72) 082 711 2502

### KERKLIKE TYDSKRIFTE

Die kerklike tydskrifte vir Junie is in die kerkkantoor beskikbaar vir lidmate wat daarop ingeteken is. **Intekengelde** vir die tydskrifte vanaf 1 Julie 2018 tot 30 Junie 2019 is op die kennisgewingbord beskikbaar. Ons herinner jou ook weer dat jy **elektronies op die kerklike tydskrifte kan inteken** teen 'n baie goedkoper tarief en dan kan jy dit op jou rekenaar of tablet lees.

### KENNISGEWINGBORD

- Skoolverlaterskamp: Nooitgedacht, 8-13 Julie 2018

### BEROEPE NUUS

#### BEROEPE ONTVANG

- Proponent PW Smit (Wouter) na Vereeniging.

#### BEROEPBAAR GESTEL

- Klassis Oostelike Pretoria, met advies van KO, art 49 Deputate vanweë die Streeksinode Pretoria, het tydens 'n vergadering op 21 Junie 2018 goedgekeur dat dr GJ Niemann (Gerhard) van GK Cullinan beroepbaar gestel word in die GKSA ingevolge KO, art 11. Hierdie beroepbaarstelling is geldig tot en met 31 Desember 2018.

### ALGEMENE INLIGTING

#### • WOW-HERWINNINGSPROJEK (WEN ONS WêRELD)

Papier, plastiek, karton, glas, blikkies en polystyrene - *hoef nie gesorteer te wees nie, herwinningsitems moet wel in plastiëksakke*

*toegebind wees. ASB GEEN huisafval nie!*

Die glas/blikkies/plastiek moet asb uitgespoel wees.

#### • LIEFDEGAWES VIR BARMHARTIG-HEID (DIAKONIE)

##### ZAPPER

(Selfoon toepassing)



Hierdie QR

simboolkode is

gekoppel aan die

Diakonie se rekening

en **slegs bydraes vir**

**Barmhartigheid** kan daarmee gemaak word -

geen ander betalings aan die Diakonie of

kerkraad nie

#### • SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](http://www.facebook.com/oosdoppers)

Beeldmateriaal van preke kan hier gesien

word:

<http://ow.ly/ivfZ309vsdc>.

Ds Piet stuur weekliks sy preke

per e-pos uit. Laat weet hulle

indien jy dit wil ontvang.



#### KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –

082 851 3637

Prof. Herrie v Rooy –

083 700 3933

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051

# *SUSTERS IN DIE GELOOF*

## *"Skuil Onder God se Vleuels"*

### TEESKINKGELEENTHEID



- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Marlise Styger en groep 4, Ria Robberts en groep 13, Nelleke du Toit en groep 24, asook Carina Smits en groep 33.

**Volgende week** skink Sonette Turkstra en groep 5, groep 14, Annari Schutte en groep 25, asook Stephanie Earle en groep 34 se susters, tee. *Baie dankie julle!*

### BLIKKIES-WARMHARTE



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk neersit. Die geld word gebruik om blomme of iets toepaslik aan te koop vir iemand wat deur beproewing gaan. ***Baie dankie vir julle getroue bydra!***

### POEDINGTAFEL: HUIS ANNA VILJOEN, 27 JULIE 2018



Dames ons gemeente neem weer die poedingtafel tydens Huis Anna Viljoen se basaar om hulle te help met hierdie fondsinsameling. Ons Oosdoppers is bekend vir heerlike poeding maak en moedig julle aan om lekker basaarpoeding te maak, bv. Koekstruif, skuimjellie, ens. Verkieslik koue poedings.

Skryf asb jou naam op die lys in die voorportaal van die Skuur indien jy vir ons kan help om poeding te maak vir die geleentheid. Corrie du Plessis is die sameroeper van die poedingtafel en julle kan met haar skakel indien jul enige vra het.

**BAIE DANKIE AAN ONS BORG VAN DIE WEEK!**

## **HUIZEMARK** **EIENDOMSAGENTSAP**

**ONS HET VOORDUREND POSTE BESKIKBAAR  
VIR AGENTE EN BEMARKERS**

**ONS DOEN :**  
**Verkope & Verhurings**

- \* Huise, \* Woonstelle,
- \* Meenthuse,
- \* Besigheidspersonele,
- \* Plase, \* Plotte



**VIR ALLE  
EIENDOMSBEHOEFTE  
SKAKEL**

**Rolene vd Walt**  
082 859 6209  
**Linda Nolte**  
082 785 3951